



МАҢҒЫСТАУ ОБЛЫСЫНЫҢ
БАС МЕМЛЕКЕТТІК
САНИТАРИЯЛЫҚ ДӘРІГЕРІ

ҚАУЛЫ

13 сәуір 2021 ж.

Ақтау қаласы

ПОСТАНОВЛЕНИЕ

№ 7

город Актау

Маңғыстау облысының аумағында карантиндік шектеу шараларын күшейту туралы

Маңғыстау облысының тұрғындары арасында COVID-19 коронавирустық инфекциясының (бұдан әрі- COVID-19) таралуының алдын алу мақсатында, «Халық денсаулығы және денсаулық сақтау жүйесі туралы» Қазақстан Республикасының 2020 жылғы 7 шілдедегі № 360-VI ҚРЗ Кодексінің 104-бабының 2- және 3-тармақшаларына, Қазақстан Республикасының Бас мемлекеттік санитариялық дәрігерінің 2020 жылғы 25 желтоқсандағы №67, 2020 жылғы 25 желтоқсандағы №68, 2021 жылғы 25 наурыздағы №12, 2021 жылғы 12 сәуірдегі №13 қаулыларын басшылыққа ала отырып, облыс аумағында COVID-19 бойынша эпидемиологиялық жағдайды ескере отырып,
ҚАУЛЫ ЕТЕМІН:

1. Облыстың аудандар мен қалалар әкімдеріне, мемлекеттік органдарға және ұйымдарға, облыстық полиция департаментіне, Маңғыстау облысының кәсіпкерлік және сауда басқармасына және облыстық «Атамекен» ҰКП-на:

1) денсаулық сақтау ұйымдарында, жедел медициналық жәрдем машиналарында, жергілікті атқарушы органдар карантин үшін айқындаған үй-жайларда, сондай-ақ медицина қызметкерлері үйде медициналық көмек көрсету, ошақта эпидемиологиялық тергеп-тексеру жүргізу, науқастардан және байланыста болған адамдардан сұрау және сауалнама алу кезінде аудио, фото және бейне түсірілім жүргізуге тыйым салуды;

2) ойын-сауық, бұқаралық іс-шараларды, көрермендермен спорттық шараларды, көрмелерді, форумдарды, конференцияларды, сондай-ақ отбасылық, салтанатты, (банкеттер, үйлену тойлары, мерейтойлар), оның ішінде үйде және адамдар көп жиналатын өзге де іс-шараларды өткізуге тыйым салуды;

3) букмекерлік кеңселер, бильярд, түнгі және ойын клубтары, караоке, банкет залдары қызметіне тыйым салуды;

- 4) балаларды сауықтыру лагерлерінің қызметіне тыйым салуды;
- 5) ас беруді (садақа) өткізуге тыйым салуды;
- 6) облыстық командалардың (мәдениет, білім және спорт саласында) спортшылардың жеке спорт түрлері бойынша жарыстарға, конкурстарға, олимпиадаларға "қызыл аймақтарда" орналасқан өңірлерге және Қазақстан Республикасынан тыс жерлерге шығуына тыйым салуды;
- 7) балалардың ойын-сауық орталықтарының (ойын алаңдары, жабық үй-жайлардағы аттракциондар), цирктердің қызметіне тыйым салуды.

2. Облыстың аудандар мен қалалар әкімдеріне, мемлекеттік органдарға және ұйымдарға, кәсіпорындарға, Маңғыстау облысының кәсіпкерлік және сауда басқармасына және облыстық «Атамекен» ҰКП-на:

- 1) мемлекеттік органдарға (ұйымдарға), ұлттық компанияларға, бизнес-орталықтарына және басқа да кеңселерге өндірістік қажеттілікке байланысты 50% қашықтықтан жұмыс істеуге және 50% дәстүрлі жұмысқа ауыстыруды қамтамасыз етуге;
- 2) отыратын орындар санына сәйкес толтыру бойынша қарбалас уақытта жүретін автобустар санын көбейтуімен, жолсеріктің қатысуымен дезинфекциялау құралдарымен өңдеумен соңғы аялдамасында барлық есіктерді ашумен, қоғамдық көліктің жұмысын қайта бастауға рұқсат беруді;
- 3) алдын ала жазылу бойынша, топты 15 адамнан артық толтырмаған кезде балалардың түзету кабинеттері, балалар мен ересектердің білім беру орталықтарының қызметіне рұқсат беруді;
- 4) күшейтілген санитарлық – дезинфекциялық режимді сақтай отырып, қалааралық, облысаралық, ауданаралық жолаушылар автобус тасымалына, жеке автокөліктің өңірлер арасында жүруіне рұқсат беруді;
- 5) ортақ вагондарсыз жолаушылар поездарының қозғалысына рұқсат беруді;
- 6) қоғамдық көлікке, таксиге, әуежайларға, ауладағы балалар алаңдарына, азық-түлік және азық-түлік емес базарларға және басқа да қоғамдық орындарға санитариялық және дезинфекциялық өңдеу жүргізуді;
- 7) ҚР БМСД №67 қаулысының талаптарын сақтаған жағдайда ашық ауадағы аттракциондардың қызметіне рұқсат беруді;
- 8) алдын ала жазылу бойынша медициналық орталықтар, кабинеттер, стоматология қызметіне рұқсат беруді;
- 9) 25 баладан аспайтын кезекші топтарын ұйымдастыра отырып, мектепке дейінгі мекемелердің қызметіне рұқсат беруді;
- 10) 2020-2021 оқу жылының төртінші тоқсанында:
-контингенті 300 оқушыға дейін қалалық және ауылдық мектептерде сыныптардағы балалар санын 25 адамнан асырмай дәстүрлі форматта оқытуға;

-білім беру ұйымы әкімшілігінің шешімі бойынша сабақтан тыс уақытта 15 адамнан аспайтын топтарда оқушыларды жеке оқытуға;

- жалпы білім беретін мектептерде барлық сыныптардың оқушылары үшін сыныптардағы балалар санын 25 адамнан асырмай аралас форматта оқытуға;

11) күшейтілген санитарлық - дезинфекциялық режимді және шахматтық отырғызу тәртібі бойынша әлеуметтік арақашықтықты сақтай отырып, үзіліс кезінде ғимараттарды желдету, медициналық маска кию арқылы жалпы сиымдылығы 50% - дан аспайтын және 30 адамнан аспайтын мәдени нысандардың, кітапханалардың, мұражайлардың қызметіне рұқсат беруді;

12) Қазақстан Республикасының Бас мемлекеттік санитариялық дәрігерінің №67 қаулысының талаптары сақтай отырып, толымдылығы 20% - дан аспайтын кинотеатр жұмыстарын жүргізуге;

13) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтай отырып, ұжымдық іс-шараларды өткізбей діни объектілердің қызметіне рұқсат ету;

14) күшейтілген санитарлық – дезинфекциялық режимді сақтай отырып, бір адамға шаққанда су айнасының 5 ш.м. есебінен жеке форматта, алдын ала жазылу бойынша бассейндердің қызметіне рұқсат беруді;

15) күшейтілген санитарлық – дезинфекциялық режимді сақтай отырып, СПА-орталықтардың, слулық салондардың, шаштараздардың, косметикалық және косметологиялық қызмет көрсететін орталықтар мен салондардың қызметтеріне рұқсат беруді;

16) жаттығу залдарының, фитнес орталықтарының, спорт секцияларының, спорттық - сауықтыру орталықтарының қызметіне Қазақстан Республикасының Бас мемлекеттік санитариялық дәрігерінің №67 қаулысының талаптарын сақтай отырып, рұқсат беруді;

17) Қазақстан Республикасының Бас мемлекеттік санитариялық дәрігерінің №67 қаулысының талаптары сақтай отырып, моншалар қызметіне рұқсат беруді;

18) Қазақстан Республикасының Бас мемлекеттік санитариялық дәрігерінің №67 қаулысының талаптары сақтай отырып, жексенбіден басқа күндері сауналар қызметіне рұқсат беруді;

19) күшейтілген санитарлық – дезинфекциялық режимді сақтай отырып, жабық, ашық азық-түлік, азық - түлік емес базарлары жұмысына рұқсат беруді;

20) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтаған жағдайда, кеңестерді (отырыстарды) күндізгі режимде өткізуге рұқсат ету (оларды қашықтықтан өткізу мүмкіндігі болмаған жағдайда);

21) меншік нысанына қарамастан, күшейтілген санитарлық – дезинфекциялық режимнің аймақтарға бөлу талаптарын сақтай отырып, медициналық ұйымдардың қызметіне рұқсат беруді;

22) күшейтілген санитарлық – дезинфекциялық режимді сақтай отырып, халықтың тұруы бойынша қызмет көрсету саласындағы ұйымдардың (қонақ үйлер, демалыс үйлері, туристік базалар және т.б.) қызметіне рұқсат беруді;

23) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтай отырып, толымдылығы 50% - ға дейін бірақ 50 орыннан асырмай қоғамдық тамақтану объектілерінің (үй – жайлардағы) қызметіне жұмыс және демалыс күндері сағат 07:00-ден 24:00-ге дейін рұқсат беруді;

24) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтаған жағдайда дәріханалардың қызметіне рұқсат беруді;

25) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтай отырып, толымдылығы 30% - дан асырмай және 1 келушіге кемінде 4 ш.м. сақтаған жағдайда, сауда, ойын-сауық орталықтарының, сауда үйлерінің қызметіне рұқсат етілсін;

26) күшейтілген санитарлық – дезинфекциялық режимді сақтай отырып, автомобиль жуу, көлік жөндеу, шиномонтаж жұмыстарына және халыққа тұрмыстық қызмет көрсету қызметіне рұқсат беруді;

27) Қазақстан Республикасының Бас мемлекеттік санитариялық дәрігерінің №67 қаулысының талаптарын сақтай отырып, бизнес орталықтардың (сақтандыру компаниялары, адвокат, нотариус, жарнама агенттіктері, сот орындаушылары қызметтері және т.б.) айырбастау пункттерінің, ломбардтардың жұмысын ұйымдастыруды;

28) үздіксіз өндірістік циклі бар өнеркәсіп кәсіпорындарының қызметіне, ашық ауадағы құрылыс жұмыстарына, ауыл және балық шаруашылығына, мал шаруашылығына Қазақстан Республикасының Бас мемлекеттік санитариялық дәрігерінің №67 қаулысының талаптарын сақталған жағдайда рұқсат беруді;

29) пенитенциарлық (қылмыстық-атқару) жүйесі мекемелерінде санитариялық-дезинфекциялық режимді сақтауды;

30) өнеркәсіптік кәсіпорындардағы және өндірістік объектілердегі, оның ішінде вахталық әдіспен жұмыс істейтін объектілердегі санитариялық-дезинфекциялық іс-шаралар алгоритмін сақтауды;

31) Қазақстан Республикасы Қорғаныс министрлігінің, Қазақстан Республикасы Ішкі істер министрлігінің, Ұлттық қауіпсіздік комитетінің (оның ішінде ҰҚК Шекара қызметі) және Қазақстан Республикасы Мемлекеттік күзет қызметінің жеке құрамы (оның ішінде азаматтық персонал) арасында COVID-19-дың таралу тәуекелін азайту жөніндегі алгоритмді сақтауды;

32) әлеуметтік қашықтықты сақтай отырып, 3 адамнан аспайтын топтармен немесе бір отбасы мүшелерінің ойын-сауық объектілері жоқ саябақтарға, аландар мен скверлерге, жағалауларға және халықтың өзге де демалыс орындарына баруға рұқсат беруді;

33) бір мезгілде 30 адамнан артық емес жинала отырып, күшейтілген санитариялық-дезинфекциялық режимді сақтаған жағдайда облыстық командаларды даярлау үшін оқу-жаттығу жиындарын қайта бастауға рұқсат беруді;

34) ашық ауада 5 адамнан аспайтын жеке және топтық жаттығуларға, сондай - ақ Ұлттық құрама және Олимпиадалық резервке арналған спорттық жаттығулар мен жарыстарды көрерменсіз өткізуге, клуб командалары үшін спорттық жаттығуларға (30 адамнан артық емес, байланыссыз термометрия қолдана отырып, спорт базаларында тұру) рұқсат беруді;

35) санитариялық – дезинфекциялық режимді сақтай отырып, арнайы, мамандандырылған ұйымдардың, ерекше білім беру қажеттілігі бар балаларға арналған арнайы мектеп – интернаттардың (оның ішінде ата-анасының қамқорлығынсыз қалған жетім балаларға арналған), жалпы үлгідегі мектеп-интернаттардың, дарынды балаларға арналған мектеп – интернаттардың қызметтеріне рұқсат беруге;

36) медициналық ұйымдарда, қарттар мен мүмкіндігі шектеулі адамдарға арналған медициналық-әлеуметтік объектілерде, сәбилер үйлерінде, балалар үйлерінде, әлеуметтік оңалту орталықтарда, мүгедек балаларға арналған, интернат типіндегі оқу орындарында карантинді және санитариялық-дезинфекциялық режимді сақтауды қамтамасыз етсін.

Әлеуетті ата-аналар теріс нәтижесі бар ПТР әдісімен COVID-19-ға зертханалық тексерілгені туралы құжатты ұсынған кезде жетім балаларды одан әрі асырап алу, қорғаншылықты, қамқоршылықты белгілеу үшін олармен кездесуге сәбилер үйлері мен балалар үйлеріне баруға рұқсат етіледі.

Теріс нәтижесі бар ПТР әдісімен COVID-19-ға зертханалық тексеру туралы құжатты ұсынған кезде ұлттық алдын алу тетігі қатысушыларының медициналық-әлеуметтік объектілерге баруына рұқсат етіледі.

3. Маңғыстау облысының «Азаматтарға арналған үкімет» Мемлекеттік корпорациясы КЕАҚ мен «Қазпочта» АҚ бойынша филалы, банкілер басшыларына:

1) ҚР БМСД №67 қаулысының 1 қосымшасының талаптарын сақтай отырып, сағат 9.00-ден сағат 18.00-ге дейін халыққа қызмет көрсету орталығының, "Қазпочта" АҚ бөлімшелерінің, банкілердің жұмысын ұйымдастыру;

4. Аудандар мен қалалардың, ауылдық округтердің әкімдеріне туризм субъектілеріне(объектілеріне) оның ішінде демалыс үйлеріне (базаларға, аймақтарға), туристік базаларға, санаториялық-курорттық ұйымдарға, ұлттық табиғи парктерге, ыстық бұлақтардағы демалыс аймақтарына күшейтілген санитарлық - дезинфекциялық және бетперде режимін сақтай отырып, сондай - ақ 50%-дан аспайтын толымдылықпен қызмет етуге рұқсат беруді қамтамасыз етуге:

1) маска режимін және кемінде 2 метр қашықтықты сақтай отырып, 15 адамнан аспайтын жеке және ұйымдасқан топтар үшін ерекше қорғалатын

табиғи аумақтарға (мемлекеттік ұлттық табиғи парктерге, қорықтарға, резерваттарға және басқаларға) баруға рұқсат беруді.

5. Маңғыстау облысының инвестиция және туризмді дамыту басқармасына:

1) Маңғыстау облысына шетелден келетін адамдарға қойылатын талаптардың өзгергендігі туралы туроператорларды хабардар етсін.

2) күшейтілген санитарлық – дезинфекциялық режимді сақтай отырып, облысаралық және қалалық тұрақты (туристік) тасымалдарға (толтырылуы 75%, бірақ 15 адамнан артық емес) рұқсат беруге;

6. Маңғыстау облысының денсаулық сақтау басқармасына:

1) еңбек демалысына, іссапарға, науқастануына және басқа да себептерге байланысты күнтізбелік 5 және одан да көп күн бойы жұмыс орнында болмаған жағдайда медицина қызметкерлері медициналық ұйымдарда теріс нәтижесі бар ПТР әдісімен COVID-19-ға зертханалық тексеру туралы құжатты ұсынған кезде медициналық ұйымдарға кіруге рұқсат етіледі.

7. «Қазақстан темір-жолы - Жүк тасымалы» ЖШС –Маңғыстау бөлімшесі филиалы, Маңғыстау бөлімшелік көліктегі санитариялық – эпидемиологиялық бақылау басқармаларының басшыларына қамтамасыз етуге:

1) COVID-19-дің әкелуін және таралуын алдын алу бойынша эпидемияға қарсы іс-шараларды ұйымдастыруға;

2) Қазақстан Республикасының Мемлекеттік шекарасын кесіп өтетін жолаушыларға Тәжен санитарлық-карантиндік пунктіндегі қызметкерлер міндетті түрде термометрия жүргізуге.

8. Ақтау халықаралық әуежайының басшысына:

1) ішкі және шетелдік авиарейстермен Маңғыстау облысына кіретін барлық адамдарға термометрия жүргізуді;

2) әрбір рейстен кейін әуе кемелеріне ағымдағы профилактикалық дезинфекциялауды жүргізуді;

3) тіркеуден өту, әуе кемесіне отырғызу және түсіру кезінде жолаушылар арасында қауіпсіз қашықтықты (кемінде 1 метр) және маска режимін сақтауды;

4) тұрақты және чартерлік рейстердің жолаушыларын түсіруге және отырғызуға тартылған әуежай терминалдарының барлық үй-жайларына ағымдағы профилактикалық дезинфекциялауды жүргізуді;

5) анықтама ұсынбаған жолаушыларды әуе кемесінің бортына отырғызуға жібермеуді қамтамасыз етуді.

9. Маңғыстау бөлімшелік көліктегі санитариялық-эпидемиологиялық бақылау басқармасына, Ақтау қаласының әуежайы санитарлық бақылау пунктіне:

1) Қазақстан Республикасының Мемлекеттік шекарасындағы өткізу пункттеріндегі санитарлық-карантиндік пункттері мамандарымен, тәулік бойы жұмыс режимін ескере отырып, жеке қорғаныш құралдарымен және дезинфекциялау құралдарымен қамтамасыз етуді;

2) COVID-19 ауруының таралуы мен алдын алу жөнінде халық арасында ақпараттық түсіндіру жұмыстарын жүргізуді қамтамасыз етуге.

10. Маңғыстау облысының Полиция департаментіне енгізілген қосымша шектеулерді сақтау бойынша патрульдеуді ұйымдастырсын (қоғамдық көліктердің отыратын орындар санына сәйкес толуы және бетперде режимінің сақталуы бойынша, жаппай іс-шаралар өткізу, үйлену тойлары және т.б.), жоғарыда көрсетілген талаптардың бұзылуы немесе орындалмауы анықталған жағдайда дереу тиісті әкімшілік шаралары қабылдасын.

11. Маңғыстау облысы Ішкі саясат басқармасына, аудан, қала әкімдіктерімен бірлесіп, қабылданған шаралар туралы халықты бұқаралық ақпарат құралдары және әлеуметтік желілер арқылы хабардар етсін.

12. Маңғыстау облысының Бас мемлекеттік санитариялық дәрігерінің «Маңғыстау облысының аумағында коронавирус инфекциясының алдын алу туралы» 2021 жылғы 06 наурыздағы №3 қаулысының күші жойылды деп танылсын.

13. Маңғыстау облысында карантин режимі мен мерзімдері «COVID-19» коронавирустық инфекциясының таралуы бойынша эпидемиологиялық жағдайдың өзгеруіне сәйкес өзгертілуі мүмкін.

14. Осы қаулының орындалуын өзіме қалдырамын.

15. Осы қаулы 2021 жылғы 17 сәуірдің сағат 00:00-нен бастап күшіне енеді.

**Маңғыстау облысының
Бас мемлекеттік
санитариялық дәрігері**



Г.Надуев